
Akayad n ukraɣyur wis sen deg tutlayt tmaziyt

Aḍris :**WENZA**

Wezna, d taɛcirt-nney deg uqewwar. tbedd am uyanim, azaw-nnes d aberkan ; tessur deg-s qli n tmelli n ccib. Aṭṭawen am tekmet ad tinid d taderyalt. Axenfuf-nnes d azegrar. Aqemmuc-nnes am tkemmust ; deg-s sen niɣ tlata n waymasen. Udem-nnes yekmummec. Tafekka-nnes d tazdadt, iḍarren-nnes d izegraren amzun d iḍarren n ubellarej. Inuraz-nnes am yya n urgaz, behtey manis as-d-ttafen irkasen !

Ma d ccɣel-nnes yernunnes, kiss n yiḍes d tyimit i tessin. Tessers ddel yef yiman-nnes d wayt uxxam-nnes. Deg leamer ma tesla awal i yeḥlan syer umɣar-nnes, segmi aha d-yekker yessayay-as ḥaca ddeawi i iqebḥen. Akedma d imerkantiyen, tesserwa-as alaɣ, ḥaca ma yečča taleqqimt yer wudan. Werjin tetṭef tiseɣnit ad tegni (ad tcull) tyawsa ; ama d acerrig ; ama d acelliq. D lxayba, ud tettug, ud tfettel. Ma d tibḥirin, ud tessin ca manis ad asent-tay. Segmi aha yali wass deg berra ; ha-tt-an dinni, ha-tt-an da.

Akkass tesca matta aha d-tini, maca ma tenna-ak awal, yer-k ad t-id-tɛawded ! Missen ma d tidet niɣ d tiserkas (ibeddiɛen), kan d asexleḍ n tutlayt i tessin. Tettagem seg wa tesmaray i wa. Alda ad yili umennuy deg uqewwar teggar iman-nnes, awalya mi aha tekker jar temɣart d teslit. Trenni zzit i leaft, imer-din nettat ad teqqim ad tettfurij.

Tettawi-d tilufa s ufus-nnes lacta texḍa-as temsalt, ad tger iman-nnes. Mda ad yili warraz deg umennuy, ad tili d nettat d tamezwarut ! Ur tessei ca ššwab. Mi aha as-inin wudan ḥseb qli, yaxi win yeggin tayawsa ad twella fell-as. Ad tenṭeq yer-s : “ Nečč d ddrari i seiɣ !” Amzun amerwas deg thut berk i d-yettwella ! Ur tegzi ca belli matta tegga, ad t-taf !

Ma teḥtajed-tt, ur ttruḥa ca yer uxxam-nnes, ruzzi fell-as yer yieciɛen-nnes. Yal tagnit, ad asen-id-tescedda asaru (film), bla araji, isura-nnes, ur sein ca akud. Tessen kullec. Tezra win ireclen, win yellfen, win yemmuten... D rradyu llah ibarek. Ma tessed ad d-tawid lexber, ruḥ yer-s, ad ak-t-id-tessexleḍ srid.....

Samira HOCINI BEN ABDELMALEK, Tilufa, Ammud n tullisin d yidrisen niḍen, EL-AMEL, 2018. Sb. 91-94.

I / Tigzi n tirawt:12/12

1. Nanna Wezna tessers ddel yef yiman-nnes d twacult-nnes.
 - Kkes-d seg uḍris sent (02) n tenfaliyyin i d-yemmalen cciy-a.
2. Mayer i teggar Nanna Wezna iman-nnes ald ad yili umennuy deg uqewwar ?
3. Matta n tmentilt i yeḡḡin Ayt uqewwar ur ttammen ca Nanna Wezna yila d-tini qli n wawal ?
4. Segzi-d tanfalit-a :
 - « **Nanna Wezna, trenni zzit i læaft.**» .
5. Ilmend n uḍris, smed tafelwit-a:

Tinfaliyyin i d-yemmalen tafekka	Tinfaliyyin i d-yemmalen tafekka
-	-
-	-
-	-

6. **Qra tinawt-a :** « Akkass tesseɛ matta aha d-tini, maca ma tenna-ak awal, yer-k ad t-id-teawded ! Missen ma d tidet niy d tiserkas (ibeddiɛen), kan d asexleḍ n tutlayt i tessentettagem seg wa tesmaray i wa » .
 - **Bdu-tt akka:** « akkass yeseɛ.....» Beddel matta i ilaqen.
7. Semma-d isumar n tefyirt-a , tenni-d matta tella tesyunt ihen-yeqqnen :
 - Ma teḥtajed-tt, ur ttruḥa ca yer uxxam-nnes .
8. Sleḍ tafyirt –a :
 - **Ad ak-t-id-tessexleḍ**

II/ Afares s tira: 08/08

“ Deg tmetti-nney,taggara-aya, ɛerrmen wudan i yecban Nanna Wezna, maca llan iyyid reffden ixxamen ferran uguren d yinuɣan, ssrusan talwit jar wudan.” .

- ✓ Ilmend n tenfalit-a, **ari-d** aḍris ideg **aha d-tgelmed** amdan i tessned ad yili yemgired yef tulmisin n Nanna Wezna.
 - **Qader tayessa n trudemt.**
 - **Seqdec imyagen n tyara, irbiben, aserwes, d tunuɣin n uyanib.**

Syer Mas Sif Dobai

